

鶴山先生大全文集

二三

鶴山先生大全文集

PDG

重校鶴山先生大全文集卷之一百四

周禮折衷

得之何璟提幹

按漢唐以來三禮元本首列正經卷第而書各與傳註人附于下此必先後鄭有所傳授今鶴山先生折衷兩篇標題倣之惟自宮正又中分者泝敢輕有因革蓋以賈氏所發明昉爲義例學者其詳考云

天官冢宰第一

**鄭**象天所立之官冢大也宰官也天統理萬物天子立冢宰使掌邦治亦所以總御衆官不言司者大宰總御衆官不主一官之事

賈鄭云象天者周天有三百六十餘度天官亦總三百六十官宰者調和膳羞之名冢宰亦能調和衆官天官兼攝群職故不言司春官以其祭祀鬼神鬼神非人所主故亦不言司

惟王建國辨方正位體國經野設官分職以爲民極賈六官之首同此序六句者以其建國設官爲民不異也案桓二年左氏云昔武王克商遷九鼎于洛邑則居洛本是武王之意至成王周公時恐天下爲疑更與諸侯謀定之也

鄭周公歸攝而作六典謂之周禮營邑於中七年致政成王以此禮授之使居洛邑治天下司徒

職曰日至之景尺有五寸謂之地中天地之所合也四時之所交也風雨之所會也陰陽之所和也賈書傳云五年營成周成周與王城同時營則五年營洛邑與孔安國爲營洛邑封康叔制禮作樂同是攝政七年異彼先鄭注云土圭之長尺有五寸以夏至之日立八尺之表其景適與土圭等謂之地中今潁川陽城地爲然

鄭司農云別四方正君臣之位君南向臣北面之屬云謂考工匠人建國水地以縣置業以縣視以景爲規識日出之景與日入之景晝參諸日中之景夜考之極星以正朝夕是別四方後鄭破先鄭

爲君臣父子之位以其國家草創下論體國經野  
理應先定宮廟等位豈有宮廟等位未成先正君  
臣面位乎

又云營國方九里國中九經九緯左祖右社面朝  
後市野則九夫爲井四井爲邑之屬是也

賈營國方九里旁三門旁爲四方方三門則玉城  
十二門門有三道三三而九則九道南北之道謂  
之經東西之道謂之緯經緯之道皆九軌左祖右  
社者此據中門外之左右宗廟是陽故在左社稷  
是陰故在右面朝後市者三朝皆是君臣治政之  
處陽故在前三市皆是貪利行刑之處陰故在後

也野則九夫爲井四井爲邑四邑爲丘四丘爲甸

乘音

四甸爲縣四縣爲都也井方一里邑方二里

丘方四里甸方八里縣方十六里都方三十二里

載師職去家邑任稍地小都任縣地大都任囂地

若畿內鄉遂及四等公邑皆爲溝洫法無此方里

爲井之事家邑小都大都三等采地乃有方里爲

井之屬但郊外曰野大總言耳散文國外則曰野

野對國言之故鄉大夫職去國中七尺野自六尺

是城外則經中野對國言之謂國外則曰野但據

小司徒成文而言

鄭司農云置冢宰司徒宗伯司馬司寇司空各有

所職而自事舉國百人無主不散則亂是以立君  
治之君不獨治也又當立臣爲輔極中也言設官  
分職者以治民令民得其中正使不失其所設官  
分職助理天下衆人取中以為治體其實建國之  
初主在設官分職爲民極耳

**鶴山魏先生云**位字注謂君臣之位先鄭之說  
非不通只是不該蓋位總言宮廟朝廷之位故後  
鄭破之

又云王城十二里或又注云九里已不同又云  
甸藉其以出車一乘詩信彼南山惟禹甸之左  
氏渾良夫衷甸亦音

又云極本無中義只天下之理到中便不可過不可過便是窮極如斗極屋極洛邑爲天地之中是四方所取正之地商邑翼翼異四方之極是也此極字至朱文公發明始分曉

又云經字是經之營之經畫也言經則緯在其  
中九經九緯是也經常經界皆此經後人只此  
一字尚存如權字便錯看

乃立天官冢宰使帥其屬而掌邦治以佐王均邦國  
鄭司農云邦治謂總六官之職也故大宰職曰掌  
建邦之六典以佐王治邦國故論語曰君薨百官  
總已以聽於冢宰後鄭去司農引論語者欲見天



子冢宰兼百官之義言百則三百六十一也且論  
語言君薨據諸侯言冢宰百官據天子互言之也  
冢宰太宰者言不異人也

**賈**言主治則兼六官以其五官雖有教禮政刑事  
不同皆是治法也去佐王均邦國者以太宰掌均  
節財用故也周禮以邦國連言者據諸侯也單言  
邦多據王國也然不先均王國而言均邦國者王  
之冢宰若言王國恐不兼諸侯今言邦國則舉外  
可以包內也

**鶴山先生**云後鄭未見尚書故天官冢宰一  
段引論語為說又云周禮連言邦國多是諸侯

邦有封之義建邦設都乃命諸王邦之祭皆訓  
封後來爲避漢祖諱傳注多改邦字與稱國于  
寶亦曰邦疆國之境有封略之義

**又云**周禮制度數自康成多是使約法推之如  
大夫五命士三命周七廟便推殷六廟不知自  
書出來却殷已有七世之廟可以觀德之辭則  
約法遂窮

太宰之職掌建邦之六典以佐王治邦國一曰治典  
以經邦國以治官府以紀萬民二曰教典以安邦國  
以教官府以擾萬民三曰禮典以和邦國以統百官  
以諧萬民四曰政典以平邦國以正百官以均萬民

五曰刑典以詰邦國以刑百官以糾萬民六曰事典以富邦國以任百官以生萬民

**賈**大宰總御羣職故六典俱建治典教典云官府禮典已下四典皆云百官者尊天地二官不局其數故不云百官而云官府也天子曰兆民諸侯曰萬民此天子之禮不言兆民而言萬民者以畿外封諸侯惟有畿內不封故以畿內據近而言鄭云王謂之禮經常所秉以治天下也者凡言經者以經紀天下故王言禮經常所秉以治天下也云邦國官府謂之禮法者凡言法者不法於上故邦國官府謂之禮法常所守以爲法式也常者上下之

通名者經據在上法據在下至於王與邦國官府俱有常義也

**禮山先生**云典從冊從六自是一件物不可以常訓之漢儒去古未遠然字義也不甚曉故多失經意

以八灋治官府一曰官屬以舉邦治二曰官職以辨邦治三曰官聯以會邦治四曰官常以聽邦治五曰官成以經邦治六曰官灋以正邦治七曰官刑以糾邦治八曰官計以弊邦治

**賈**此八灋雖不云建亦有建義上六典云治邦國此八灋云官府官府在朝廷之官府也鄭玄謂百

官所居曰府者欲以官府爲一事解與上府吏之  
府別彼府主藏文書此府是百官所居處皆是府  
聚之義也官刑先鄭謂司刑所掌事皇朝皇官皇  
則皇殺皇此是正五刑施于天下非爲官中之刑  
故後鄭不從之也官計謂三年大計羣吏之治而  
誅賞者此爲三年一考乃一計之此官計每歲計  
之故後鄭亦不從之玄謂官刑司寇之職五刑其  
四曰官刑上能糾職是專施于官府之中於義爲  
當官計謂小宰之六計所以斷羣吏之治羣吏之  
治即是官中之計於義亦當故引破司農也

**鶴山先生云**府藏受藏之謂藏受用之謂府若

言藏主收受府主支用也人一身之藏府亦同  
後世以府名州郡不知起於何時

又云周之官職其職事處最密故朱文公謂一  
部周禮盛水不漏

又云周禮用字處文法極嚴如小宰八成之類  
一字移不得

以八則治都鄙一曰祭祀以馭其神二曰灋則以馭  
其官三曰廢置以馭其吏四曰祿位以馭其士五曰  
賦貢以馭其用六曰禮俗以馭其民七曰刑賞以馭  
其威八曰田役以馭其衆

後鄭注都之所居曰鄙都鄙公卿大夫之采邑王

子弟所食邑周召毛聃畢原之屬在圻內者祭祀  
其先君社稷五祀祿若今月奉也位爵次也賦口  
率出泉也貢功也九職之功所稅也禮俗昏姻喪  
紀舊所行也鄭司農云士謂學士賈大司徒云凡  
造都鄙鄭注其界曰都鄙所在也春秋傳云遷鄭  
焉而鄙留是鄙所居下遷也典法則三者相訓但  
邦國言典官府言法都鄙言則所用處異謂都鄙  
公卿大夫之采邑者載師職云家邑任稍地則大  
夫之采也小都任縣地則六卿之采也大都任曷  
地則三公之采也云王子弟所食邑者親王子母  
弟與公同處而百里次疏者與六卿同處而五十

里次疏者與大夫同處二十五里也云祿若月  
奉也者古者祿皆月別給之漢之月奉亦月給之  
云賦口率出泉者下文九職九賦職賦相繼而言  
故知賦即九賦口率出泉也

**鶴山先生**云邑有先君之廟曰都鄙是附

左氏曰是鄙鄭也西鄙北鄙以我為邊鄙鄙有  
外意如貪鄙彼都人士只當通作一義看

**又曰**賦有分頒之意以井地所出獻于王也如  
禹貢之賦與詩賦政于外左氏悉率敵賦凡三  
等采地所出之物與兵車之屬盡謂之賦賦是  
上頒其式貢則下以供上賦通人力所出貢止



是地所產如士謂之貢士亦謂之充賦皆地所  
出之人也康成以漢制解經以賦爲口率出泉  
三代安有口賦其誤後學甚多出其一也

以八柄詔王馭羣臣一曰爵以馭其貴二曰祿以馭  
其富三曰予以馭其幸四曰置以馭其行五曰生以  
馭其福六曰奪以馭其貧七曰廢以馭其罪八曰誅  
以馭其過

**鄭康成**幸謂言行偶合於善則有以賜予之以勸  
後奪謂臣有大罪沒入家財者六極四曰貧誅責  
讓也曲禮云齒路馬者有誅凡言馭者所以馭而  
內之於善

**賈**天宰以此八柄詔告于王馭羣臣餘條皆不言詔獨此與下八統言詔王者餘並羣臣職務所當依行此乃王所操持王不獨執羣臣佐之而已故特言詔也言馭者此八者皆是歐羣臣入善之事此經自五曰已上皆是善事則大善者在前小善者在後自六曰已下皆是惡事則大惡者在後小惡者在後此中爵與祿廢與置皆別之以王德為大能明辨之八則中爵祿廢置皆共之者以其德小不能辨故也

**鶴山先生云**八則八柄言馭者凡十六字只當通作一義講康成以歐而內之於善訓馭字不

知祭祀如何歐神以內於善臣有大罪沒入而  
奪其家財如何歐貧者而內於善竊意古之馭  
者斟酌疾徐自有其法康成不察此十六箇馭  
字若以古之善馭者推之當訓品節而歸於範  
之意如祭祀而斟酌天神地示人鬼之品節而  
不違其則庶乎其可以馭神也自祭祀馭神而  
皆得其品節以下則其他盡通然其間以漢制  
沒入家財爲奪以馭貧一條尤害義理三代安  
得有沒入人臣家財之法古者待臣下無絕法  
如臣之去國素車白馬以喪服去雖待放於郊  
然猶爵祿有詔於朝出入有詔於國三年然後

收其田里雖奪之而不使其妻子至於乏絕故  
禮為舊君有服上下皆以忠厚存心及至戰國  
孟子始有君之視臣如草芥則臣視君如寇讎  
寇讎何服之有之言如臧武仲去國猶以防求  
為後於魯為臧為也武仲去而猶據防以請立  
臧為為後故孔子以為要君是三代之法臣有  
罪而奪尊之類亦必斟酌而不使至於貧困此  
其所以為馭而康成之誤解經當表而出之

以八統詔王馭萬民一日親親二曰敬故三曰進賢  
四曰使能五曰保庸六曰尊貴七曰達吏八曰禮賓  
**賈鄭**云統所以合率以等物也此八者民與在上

同有物事也謂率下民使與上合皆有一等其事  
上行之下效之也故以萬民爲主也

**鶴山先生云**統有總統之意如網領之屬若網  
葉垂統是緹於祖宗而垂之無窮且制度紀綱  
是四件物儀禮純爲全匹半匹爲制幣長一丈  
八尺如銖只是二十四銖今廣稱二十五銖便  
非古制八統如中庸九經達吏不可拘在下位  
不能自達者吏則通上下之官稱之三公謂之  
三吏孟子以諸侯爲天吏今之吏部則舉天下  
之官皆掌之胥史謂之吏不知起於何時

**又云**天官冢宰盡統衆職自小宰已下無非分

職授任各有條理以此知冢宰事無不統

以九職任萬民一曰二農生九穀二曰園圃疏草木  
三曰虞衡作山澤之材四曰藪牧養蕃鳥獸五曰百  
工飭化八材六曰商賈阜通貨財七曰嬪婦化治絲  
枲八曰臣妾聚斂疏材九曰間民無常職轉移執事

**鄭**三農平地山澤也先鄭以九穀爲黍稷秬稻麻

大小豆大小麥後鄭以無秣大麥而有梁苽爾雅

高平白原下濕曰隰原及平地可種黍稷之等隰

中可種稻麥及苽也後鄭三農乃以平地及原隰

謂山澤不生九穀下食鹽亦云凡膳食之宜有大

宜梁魚且苽以知無秣大麥而有梁苽地官掌山

澤者謂之虞掌山林者謂之衡澤無水曰藪牧田  
在遠郊

**賈**謂鄭約家人所受田處即有牧六畜之地故云  
遠郊八材珠曰切象曰瑳玉曰琢石曰磨木曰刻  
金曰鏤革曰剝羽曰折金玉曰貨樂食其志王莽  
居攝更作金銀龜貝錢布之器名曰寶貨嬪婦人  
之美稱臣妾男女貧賤之稱疏材百草根實可食  
者爾雅疏穀皆不孰為大荒

**禮記**先王曰嬪止匹妃之稱傳注泥堯女邑姜  
是有德行之妃故以爲美稱橫渠破生日妻死  
曰嬪之說最是疏材案委人掌斂野之賦斂新

芻凡疏材木材凡畜聚之物凡疏材共野委兵器與其野園財用注軍旅又有疏材以助木粟野委謂廬宿北之薪芻其兵器謂捍衛陳兵之器野園之財用苑園藩籬之材故臣妾聚斂之間民載芻芻曰侯疆侯以注疆有餘力者以謂間民今時傭賃也春秋之義能東西之曰以朱氏謂庸力之人隨主人所左右是也

**又云**古無豆之稱只稱菽字于豆于登乃是姐豆之豆先後鄭以菽爲豆疑此字自漢始

以九賦斂財賄一曰邦中之賦二曰四郊之賦三曰邦甸之賦四曰家削特榘之賦五曰邦縣之賦六曰



邦都之賦七曰關市之賦八曰山澤之賦九曰幣餘之賦

先鄭財泉穀也邦中之賦二十而稅一各有差也幣餘百工之餘

後鄭謂賦曰率出泉也今之筭泉民或謂之賦此其舊名與鄉大夫以歲時及其夫家之衆寡辨其可任者國中自七尺以及六十野自六尺以及六十有五皆征之遂師之職亦云以徵其財征征者謂此賦也邦中在城郭者四郊去國百里邦甸二百里家削三百里邦縣四百里邦都五百里邦采民也關市山澤謂占會百物幣餘謂占賣國中

斤幣皆未作當增賦者若今賈人倍筭矣自邦中  
以至幣餘各入所有穀物以當賦泉之數每處爲  
一書所待異也

賈以九賦歛財賄此賦謂口率出泉其處有九  
云賦得口率出泉則財賄非泉而云歛財賄者計  
口出泉者取財賄以當筭泉之賦云歛財賄也  
變邦稱家削者謂三百里之內地名削其中有大夫采地謂之家削大夫采地中賦稅入大夫家但  
大夫家采地外其地爲公邑公邑之內其民出泉  
入王家故舉家削以束公邑之民邦縣之賦者四  
百里地名縣有小都賦入采地之主其中公邑之

民出泉入王家也邦都之賦者其五百里中有大  
都大都采地其賦入主外爲公邑其中民所出泉  
入王家也關市之賦王畿四面皆有關門及王之  
市廛三處其民之賦口稅所得之泉也山澤之賦  
謂山澤之中財物山澤之民以時入而取之出稅  
以當邦賦所稅得之物貯之而官未用有人占會  
取之爲官出息此人口稅出泉謂之山澤賦也幣  
餘之賦者謂爲國營造用物有餘並歸之職幣得  
之不入府藏則有人取之爲官出泉此人亦口稅  
出泉謂之幣餘之賦然關市山澤幣餘不出上六  
處而特言者以其未作當增賦故也賦爲口泉鄭

君引漢法民年二十五以上出口賦錢人百二十以爲筭故於此注云今之筭泉民或謂之賦此其舊名與邦中在城已下至五百里此皆約載師所云遠郊甸地削地縣地畱地之等遠近之差

**禮記注疏**云三代賦字只是頒其式以任井地所出獻于上初非計口出泉唐陸贄猶以民間出泉爲不便况成周乎鄭氏以漢法解經至熙寧而禍不可勝言此九賦又其一也周禮有三箇縣字畿內爲天子之縣六遂上有縣四等上有縣故漢猶以天子爲縣官字書晁縣字即寰字又云王畿四面有關謂之近關甸稍縣鄙自

有遠關

以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻秣之式八曰匪頒之式九曰好用之式

**鄭司農**云匪分也頒讀爲班布之班班謂班賜也後鄭謂王所分賜羣臣謂好用然好所賜予

以九貢致邦國之用一曰祀貢二曰嬪貢三曰器貢四曰幣貢五曰財貢六曰人貢七曰服貢八曰旂貢九曰物貢

**鄭注**嬪故書作賓元鄭云祀貢犧牲包茅之屬賓

貢皮帛之屬器貢宗廟之器幣貢繡帛材貢材木也貨貢珠貝自然之物也服玉貢祭服存貢羽毛物貢九州之外各以其所貴爲摯肅慎貢磐矢之屬是也後鄭嬪貢謂絲帛器貢銀鐵石磬丹漆也幣貢玉馬皮帛也材貢種幹括拍條滂也存讀爲游圃之游游貢燕好珠璣琅玕也物貢雜物魚鹽橘柚九貢先後鄭多異說

**賈**言故書者鄭注周禮時有數本劉向未出之前或在山嵒石室有古文考校後爲今文古今不同故云故書作賈此九貢皆是諸侯賓之所貢不得特以一事爲賈貢若言絲帛堪爲婦人所作是也

器貢服貢大行人因朝而貢此後鄭不從幣貢謂  
玉馬皮帛馬貢其時無貢馬法觀禮諸侯享禮云  
匹馬卓上九馬隨之周則有之先鄭以存貢爲羽  
毛後鄭以存貢讀爲游謂舞好珠璣琅玕也然恐不

**禮記**先王三月令內有貢犧牲者自有一項田

養犧牲馬是人主所用之物亦無貢惟康王之  
誥布乘黃朱以爲庭實却非常貢後鄭存貢添  
水傍爲游恐是九存旌旗上羽毛當從先鄭又  
云古者旗便是物各以其物乃是字象形所謂  
九旗之物古人數物多用旗幟之類物馬而班  
之却是物色之物今物貢只是泛言物

以九兩繫邦國之民一曰牧以地得民二曰長以貴  
得民三曰師以貴得民四曰儒以道得民五曰宗以  
族得民六曰主以利得民七曰吏以治得民八曰友  
以任得民九曰數以富得民

**鄧**兩猶耦也所以協耦萬民繫聯綴也牧州長也  
長諸侯也師諸侯師也有德行以教民者儒諸侯  
保氏有六藝以教民者宗繼別爲大宗收族者

**鄭司農**云主謂公卿大夫世世食采不絕民稅薄  
利之吏小吏在鄉邑者友謂同井相合耦耨作者  
孟子曰鄉田同井出入相友守望相助疾病相扶  
則百姓親睦數亦有虞學其政今爲之厲禁使其



地之民守其材物以時入于王府頒其餘於萬民  
富謂國中材物

**賈**訓兩為耦欲取在上與民相協聯綴使不離散  
也鄭引孟子鄉田同井但鄉遂為溝洫不為井田  
而云鄉田同井者鄉遂雖不為井田亦三三三相  
以出稅與井田同

**周制**上自國都王畿外至侯國皆  
相聯絡大而言之分天下為二伯曰牧九州之  
長九牧亦曰牧牧有司牧之義長有君臨之義  
師有師道焉通人君卿大夫皆有師道儒之名  
見於後世周官此一字元無歸着不知何所當

次第一鄉一邦自各有有道之人表儀風俗居鄉謂之父師少師亦謂之先生處士亦謂之上老中老此皆可以當儒但周官不分曉說宗以族得民凡人受氏各自有宗大宗一小宗四一子一宗別子四宗左氏謂之立宗諸侯之後是大宗非諸侯之後皆小宗亦有爲嫡子而無嫡孫者亦有云云宗藩序詳之主以利得民主是公卿大夫趙孟謂主相晉國于今八年又事具敢不如事主乃瞑皆是吏以治得民吏是羣吏凡官皆是不必是胥吏友以任得民田里間比閭族黨無非相友之義數以富得民上八者皆

在井田內惟數則如鄭之原圃晉之巨囿楚之雲夢皆是數

**文**古制上下相聯絡親比如此竊意凡一人生死閭胥便計其年月日時有保有受天地間人都有箇數溝洫道路自有條數閭有門以譏出入縱有盜賊也來不得自後世上失其道民散矣矣民間自生自死盜竊亂賊並作此井田不復之弊也

正月之吉始和布治于邦國都鄙乃縣治象之灋于象魏使萬民觀治象挾日而歛之

**鄭**正月周之正月吉謂朔日大宰以正月朔日布

正治之事于天下至正歲又書而縣于象魏振木  
鐸以徇之使萬民觀焉

**賈**知正月是周之正月者下文乃縣是建寅明上  
云正月是周正月知乃縣是正歲建寅之月者下  
云小宰所以佐大宰彼云正歲縣之與此乃縣爲  
一事象魏闕也

**鄭**言農云周以謂之象魏雉門之外兩觀闕高魏  
魏焉孔子謂之觀春秋定二年傳夏五月雉門災  
及兩觀是也觀者以其有教象可觀望又謂之闕  
者闕去也仰視治象闕去疑事或解闕中通門左  
氏莊公二十一年鄭伯享王于闕西注闕象魏也

案公羊傳云子家駒謂昭公云諸侯僭天子大夫  
僭諸侯公曰吾何僭哉曰設兩觀乘大輅何氏云  
天子兩觀諸侯臺西季桓子御公立于象魏之外  
命藏象魏曰舊章不可忘是縣教象之法可知始  
和鄭謂始調和六典八法已下之事和訖即頒布  
從甲至甲爲挾凡十日斂藏之於後月月於告朔  
而行

**鶴山先生云**自鄭康成以正月之吉爲周正月  
乃有三正之說某以爲無前乎爲商以十二月  
爲歲首而夏時不改後乎秦漢以十月爲歲首  
夏時亦不改甘誓所謂怠棄三正是廢天地人

之正道咸有德之爰革夏正亦謂政也正月  
之吉始和乃孟春天氣始和亦不如鄭說牽強  
其讀法則或吉月或四孟月鄭謂去民愈近讀  
法愈多象魏觀闕也釋名曰觀在門兩旁中央  
闕然爲道謂之魏以其魏魏也謂之象魏以其  
懸象也諸侯有臺謂無兩觀春秋傳新作雉門  
及兩觀譏加其度謂之觀以其可觀也謂之闕  
以其闕中也或曰雜記孟獻子曰正月日至可  
以有事於上帝七月日至可以有事

事于祖則正月指夏時四月  
月如正月祭霜又一義

**又云**武帝雖建寅從夏時然終西漢至東漢大  
朝會元以十月爲歲首嘗於諸志檢討盡然

乃施典于邦國而建其牧立其監設其參傳其伍陳其殷置其輔乃施則于都鄙而建其長立其兩設其伍陳其殷置其輔乃施法于官府而建其正立其貳設其攷陳其殷置其輔

**鄭**以侯伯有功德者加命作州長謂之牧所謂八命作牧者監謂公侯伯子男各監一國書曰王啓監厥亂爲民參謂卿三人伍謂大夫伍人

**云**殷治律輔爲民之平也**云**謂殷衆也謂衆士也輔府史庶人在官者天台周成子謂牧州牧也舜十二州則有十二牧周九州則有九牧王制即以殷制名曰伯其實八也但八州八伯以王畿或王者

所治其州不復設牧故云伯然正畿千里以舜十  
二牧例之又參以左氏五侯九伯洪實征之當有  
九伯但不統王畿耳監後鄭以爲諸侯非也所以  
名國以有侯爾豈以監名侯哉此乃牧之屬長之  
師就擇賢侯爲之猶殷有連帥卒正也職方曰凡  
邦國小大相維主設其牧制其職設牧之下又曰  
制職可見州牧必有監長二職以相維也但五長  
爲五國置長甚明監則莫知幾國而設一監豈亦  
如殷之聯乎王制言天子使大夫爲二監監於方  
伯之國國三人乃漢博士撰王制篇因書言三監  
挾殷畔據以立此條決非立監本制州牧自有命



卿大夫上監州牧而每牧至三人哉且武庚但承殷祀初非方伯武王以三子並監者以革命之初殷民疑貳一時權宜不爲定法漢初未見周禮王制闕然故漢儒旁緣三監臆爲之說耳參佐也國之卿也非指三人也伍衆大夫也猶行五之云非指五人也卿大夫多少之數隨國大小爲之差殷衆士也輔府史胥徒也五都亦立之長如外諸侯但在王畿內不復有帥牧耳書曰外薄四海咸建五長是也兩卿前鄭云兩丞按都家無卿官朝大夫乃止上士名爲朝大夫惟都宗人都司馬秩雖均上士而職之與名則兩卿之似者茲其謂之兩

與小都之有家宗人而司馬則以其家臣爲之伍  
其都家之士及都則之屬輔則不士庶子輔則胥  
徒也後鄭曰正六官之卿貳小宰小司徒小察伯  
小司馬小司寇也攷稽察也宰夫卿帥四帥司馬  
士師也此文先云施法則于官府則官府乃總言  
三百六十之官非止六官也左傳云百官之正長  
師旅是每官秩之最高者爲正其次爲貳爲攷惟  
獨負及負少者則不能備貳攷及教鄭專云六官  
則物矣

凡治以典待邦國之治以則待都鄙之治以灋待官  
府之治以官成待萬民之治以禮待賓客之治

鄭八成

賈八成小宰職掌擗上文官成在八法治官府中  
今特出之者以其八成本待萬民不待官府若不  
特出之則無此待萬民之事以禮待賓客本在人  
統今特見之者以他皆王行之於朝以示民唯禮  
賓特別有禮若聘禮之類是也

祀五帝則掌百官之誓戒與其具脩

鄭祀五帝謂四郊及明堂誓戒要之以刑重失禮  
也明堂位所謂各揚其職百官廢職服大刑是也  
具所當共脩掃除糞洒

賈五帝者東方青帝靈威仰南方赤帝赤熛怒中

央黃帝含樞紐西方白帝白招拒北方黑帝汁光  
紀依月令四時迎氣及季夏六月迎土氣於南郊  
故云祀五帝於四郊

前期十日帥執事而上日遂戒及執事祗滌濯及納  
享贊王牲事及祀之日贊玉幣爵之事祀大神示亦  
如之享先王亦如之贊玉几玉爵

**賈**案明堂位君肉袒迎牲于門卿大夫贊君及殺  
訖納與享人

**禮山先生**云古人祀祭最嚴主親牽牲又親射  
牲以授享人宗廟不用幣玉而几爵則以玉爲  
飾與天地五帝之几爵不同

大朝覲會同贊玉獻玉几玉爵大喪贊贈玉含  
玉作大事則戒于百官贊王命

**鄭**大會同或於春朝或於秋覲舉春秋則冬夏可  
知玉獻獻國珎異玉几王所依也立而設几優尊  
者天台周氏云朝覲會同大宗伯爲上相會贊以  
冢宰者亦以會同之大也

**鶴山先生**云朝覲巡守之禮舜典王制周禮周  
官皆不合以事理揆之六年五服一朝又六年  
王乃大時巡爲近之若一年而巡四嶽則恐無  
是理然傳注謂魯以春朝廢春祭又不可曉  
王賦治朝則贊聽治臨四方之聽朝亦如之

鄭治朝在路門外羣臣治事之朝

賈王有三朝必知此是路門外朝者但外朝是斷疑獄之朝路寢庭朝圖宗人嘉事二者並於事簡非正朝故知治朝是路門外司士所掌四方之聽朝謂王巡狩在外時

凡邦之小治則冢宰聽之待四方賓客之小治

鄭大事決於王小事冢宰專平

歲終則令百官府各正其治受其會聽其致事而詔王廢置三歲則大計羣吏之治而誅賞之

鄭正正處也會大計也

三載故績

賈百官攷其治政功狀與冢宰聽斷其所置之功

狀文書而詔于主大無功不徒廢更加罪大有功  
不徒置更加賞

鶴山先生云誅止責讓字從言六經皆然自秦  
漢來始以誅訓教因舉陵陽三國游二歲終廢  
置各因其事而舉錯之也三歲誅賞大計其在  
而外黜之也舜之法三載而攷績九載而後黜  
陟加焉待岳牧九官之法也羣吏則不容俟之  
如此其久鄭師仲既講引攷績爲比而說者又  
以爲虞周事法詳略繁簡之不同又誤矣又  
云太宰之屬自官正至掌次掌主起居飲食之  
事自太府至掌皮掌主財賄出入之事自內宰

至履人掌主之內事夏采堂主之終事凡此諸  
職在漢則少府領之三公不預在唐則殿中省  
專之九卿不預此可以觀世變矣今之制自宮  
正以下其職總於內侍省別於御藥院內東門  
司分於內藏庫御厨太監局翰林儀鸞司御輦  
院之類其典領者皆奄也

小宰之職掌建邦之宮刑以治王宮之政令凡宮之  
糾禁

鄭杜子春云宮皆當爲宮長以謂宮刑在王宮中者  
之刑若今御史中丞

賈後鄭以宮刑宮中之刑不從子春官刑者見司



寇已云四曰官刑此小宰不徃貳之則不須重掌  
又下文觀治象乃追以官刑憲禁于王宮故知官  
刑明矣應劭云御史中丞秩二千石朝會獨坐副  
貳御史大夫內掌蘭臺圖籍外督刺史糾察百僚  
故舉漢法以況之

鶴山先生三鄭以漢制釋經類此不知周之御  
史在五史之下戰國時御史在前執法在後猶  
未甚重秦漢歷代至以御史大夫爲三公至本  
朝不輕除大夫後來亦不除中丞以待御史爲  
臺端殿中爲副端因云如中書尚書侍中古只  
是在左右前後掌圖書之臣到東漢凡事盡出

尚書到唐以爲三省長官本朝侍中只除兩人  
曹韓而已因親近遂竊權竊權遂秉政

掌邦之六典八灋八則之貳以逆邦國都鄙官府之  
治執邦之九貢九賦九式之貳以均財節邦用

**鄭**逆迎受之**鄭**曰農云貳副也

**賈**太宰所掌小宰副貳之

**鶴山先生云**六典只是國家舊章上從冊下從  
**六**王荆公表內用尊閭字乃是字書說典爲尊

閣之也典是定本六叙六職等是作職事故上  
說經邦國下說平上說擾萬民下說寧如此推  
之皆別是義用字極嚴

以官府之六叙正羣吏一曰以叙正其位二曰以叙  
進其治三曰以叙作其事四曰以叙制其食五曰以  
叙受其會六曰以叙聽其情

**賈**凡言叙者皆是次序先尊後卑各依秩次則羣  
吏得正故云正羣吏也

**鶴山先生**云賈局於後鄭以叙爲秩次凡皆先  
尊後卑情爲爭訟之辭恐情字難訓爭訟又  
專以先尊後卑爲訟則訟豈以尊卑而分曲

直乎

以官府之六屬舉邦治一曰天官其屬六十掌邦治  
大事則從其長小事則專達二曰地官其屬六十掌

邦教大事則從其長小事則專達三曰春官其屬六十掌邦禮大事則從其長小事則專達四曰夏官其屬六十掌邦政大事則從其長小事則專達五曰秋官其屬六十掌邦刑大事則從其長小事則專達六曰冬官其屬六十掌邦事大事則從其長小事則專達

**鄭**六官之屬三百六十象天地四時日月星辰之度數天道備焉前此成王作周官其志有述天授位之義故周公設官分職以法之

**賈**鄭依書傳云周公攝政三年踐奄與滅淮夷同時又按成王周官成王既黜殷命滅淮夷還歸在

豐作周官則成王作周官在周公攝政三年時周公制禮在攝政六年時此鄭義不見古文尚書故爲此解若孔據古文尚書多士以下並是周公致政後成王之書周公攝政時淮夷奄與管蔡同作亂成王即政後又叛成王親征之故云滅

**鶴山先生云**

孔安國注明王奉若天道亦說設

官以象天地日月星辰之意然成王即政與周公攝政年月多不可攷周禮冬官闕與夏官興司馬師司馬及司祿等皆闕大率是溝洫兵賦與班爵祿之制諸侯惡其害已而去其籍至秦而又併天下詩書百家語燒之

又云秦雖焚書止焚天下所藏私書其博士官

所職固自若也惜蕭何以刀筆史止收圖籍以

知天下戶口院塞至項羽焚咸陽博士所藏始

蕩盡故山崇屋壁所出皆訛闕不完耳因舉

禮記六官之屬各六十而經文參差不齊自

今考之天官之屬六十九九續世婦地官之屬

十二胥師已下春官之屬六十四內宗外宗附

孫附小師職卜人附卜師職男巫夏官之屬六

十九為職秋官之屬六十一為職冬官之

屬三十四考工記三工外當有大或曰六十舉

其大凡也或曰多少相乘拾得三百六十也然

考工記又有梓師朝人之名則其脫遺蓋止此矣大事各從其長長六卿也小事則專建葉王也尊不親小事卑不尸大功是以權不侵而國無滯事也

以官府之六職辨邦治一曰治職以平邦國以均萬民以節財用二曰教職以安邦國以率萬民以懷遠客三曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事職以富邦國以養萬民以生萬物

**鄭**懷亦安也賓客來共其委積所以安之聚百物

者司馬主九畿職方制其貢各以其所有

**賈**教典共其委積者大司徒下有遺人掌十里有廬廬有飲食之等故云共委積也云司馬主九畿并引職方者司馬自主九畿無貢物之事故引其屬職方也

**鶴山先生云**

六官皆有事大率扶持世界合有

六官一件少不得冬官所謂事此書惜乎不存

疑其盡是答國授田等事必有容心去之者則

**公**謂刑不能勝然後有事此說未盡職字之義

則是主此事者謂之職其實典是定本職便是

推而行之處王昭禹解是賊字非從戎駿則為



賊乃從刀從弋

以官府之六聯合邦治一曰祭祀之聯事二曰賓客之聯事三曰喪荒之聯事四曰軍旅之聯事五曰田役之聯事六曰斂弛之聯事凡小事皆有聯

**鄭司農**云大祭祀太宰贊玉幣司徒奉牛牲宗伯視滌濯泣玉增省牲鑊奉玉盞司馬羞魚牲奉馬牲司寇奉明水火大喪太宰贊贈玉含玉司徒率六卿之衆庶屬其六引宗伯為上相司馬平士大夫司寇前王此所謂官聯也禮記春官弛讀為施謂荒政弛力役及國中貴者賢者服公事者老者疾者皆舍不以力役之事奉牲者其司空奉豕與

**賈**大祭大喪二事皆不言司空司空亡故也

**鶴山先生**云聯事如每事有關會處多也記得

**朱文公**曾說陳君舉解受誓戒與分胙付之刑

官是要檢核其惰慢之意不必如此說司寇刑

官亦合舉是職禮記六聯皆官府之大事

非一官所能共故合事而共治也喪荒二事而

相類田役二事而相關歛民之財弛民之力亦

二事而相備也言歛則散可知言弛則用可知

凡小事皆有聯謂一官之內自相通屬者如膳夫之

於庖人身人內外饗酒正之於人凌人師保之於諫教大府於內外王府

以官府之八成經邦治一日聽政役以比居二日聽

師田以簡稽三日聽閭里以版圖四日聽稱責以傳別五日聽祿位以禮命六日聽取予以書契七日聽賣買以質劑八日聽出入以要會

**先鄭**比君謂伍籍也簡稽士卒兵器簿書簡猶閱也稽猶計也版方籍圖地圖也稱責謂貸子傳別謂券書也聽訟責也以券書是之傳傳著約束於文書別別爲兩兩家各得一也禮命謂九賜也書契符書也質劑謂市中平質今時月平是也要會謂計最之簿書月計曰要歲計曰會 謂傳別爲大手書於一笥中字別之書契謂出予受入之凡要凡簿書之最目獄訟之要辭皆曰契質劑謂兩

書一割同而別之長曰質知曰劑傳別質劑皆今  
之券書也

**賈**責謂貸字者謂貸而生子者若今舉責即地官  
泉府職云凡民之貸者以國服爲之息若近郊民  
貸則一年十一生利之類是也傳別謂於券背上  
大作一手書字割字中央破之爲二段別之云書  
契謂出予受入之凡要者此予則取予謂若泉府  
云凡賒者祭祀無過旬日喪紀不過三月及柩師  
云春頒秋斂賒取官物後還無生利之事質劑案  
地官質人云大市曰質小市曰劑注大市人民馬  
牛之屬用長券小市兵器珍異之物用短券言兩

書割同而別之者謂前後作二券中央破之兩家各得其一背無手書字異於傳別

**鶴山先生**云禮曰右契古者作字自右起故謂之右契左券者却是主者執右對者執左八成皆是舊法成事品式依時而行之先鄭謂簡稽士卒兵器簿者如黃池之會行頭官行擁鐸拱稽名籍至責謂貸而生子若今舉責即地官泉府國服爲息近郊民貸則一年十一生利此國服爲息恐是劉歆傳會康成誤解以致荆公禍天下周公之制必不放債取利禮記謂比居爲五家爲比居所居若今差役簿是也簡稽

人所謂稽其民人簡其兵器者今軍籍也版圖  
六鄉一十五家爲閭六遂二十五家爲里版戶  
籍圖地圖也聽稱責以傳別稱舉貸也責取償  
也孟子曰又稱貸而益之太史公曰焚券棄責傳別謂即地傳  
判書也判書者著約束文書中別爲兩各其一  
如今所謂合同分支也輶博騶餘並從鄭賈說  
此段取予出入相似而不同傳別書異質難  
分而實異故詳著之

以聽官府之六計弊羣吏之治一曰廉善二曰廉能  
三曰廉敬四曰廉正五曰廉法六曰廉辨

鄭聽平治也平治官府之計有六事弊斷也既斷

以六事又以廉爲本社子春云廉辨爲廉端賈

此經六事皆先言廉後言善能之等故知將廉爲

本廉者絜不濫濁也廉法謂守法不失刻公謂治

汙謂之汙治荒謂之荒治亂謂之亂治擾謂之擾

則治弊謂之弊矣廉者察也聽官府弊吏治察此

而已善其於謂之善善事謂之能能直內謂之敬

能正直謂之正能守法謂之法能辨事謂之辨此

六行能而謂之六計者察其吏治而知其所以治

者行能如此此聽官府弊吏治之數也故謂六計

**鶴山先生**云字書無弊字只是敝敝斷也與六

言以蔽之字同義廉者以廉隅堂廉謂有分辨

界限鄭賈王所謂潔廉與治汗皆失之以潔廉  
加於六者義皆不通三禮辨謂聽字衍

以法掌祭祀朝覲會同賓客之戒具軍旅田役喪荒  
亦如之

**賈**言以法掌祭祀已下七者皆是上大聯百官聯  
事通職者以官共故經云令百官府共其財用  
也然六聯中不言朝覲會同者以彼賓客中可以  
兼之此七事在大宰八法中六曰官法彼在八曰  
官計上者以其彼有數故在上此官法無數故退  
在大計下也**梁**云小宰掌戒而不掌誓掌具而  
不掌脩蓋言聽於一而脩則有所加損戒與衆共



而則具之而已又言以法則亦不豫道揆故也

**漢書卷之六**

荆公常以道揆自居而元不曉道

與法不可離如舜爲法於天下可傳於後世以  
其有道也法不本於道何足以爲法道而不施  
於法亦不見其爲道**荆公**以法不豫道揆故其  
新法皆商君之法而非帝王之道所見一偏爲  
害不小因說永嘉陳作唐制度紀綱論云得  
古人爲天下法不若得之於其法之外彼謂仁  
義道德爲法之外事皆因**荆公**判道法爲二後  
學從而爲此說曾於南省試院爲諸公發明之  
衆莫不伏如周禮一部二百六十官甸稍縣都

鄉遂溝洫比閭族黨教忠教孝道正寓於法中  
後世以刑法爲法故流爲申商

七事者令百官府共其財用治其施舍聽其治訟

**鄭**七事謂先四如之者三施舍不給役者七事故

書爲小事注春官當爲七事書亦爲七事注

惠施焉謂之施政役焉謂之舍理其事謂之治爭  
其事謂之訟財用出於官府施舍加於人民治訟  
則或以財用之不共或以施舍之不治故先言共  
其財用次言治其施舍後言聽其治訟

凡祭祀禘賁王幣爵之事裸將之事凡賓客養裸凡受  
爵之事凡受幣之事喪葬受其含遂幣玉之事

鄭又從太宰助王也贊王酌榼影宅以獻尸謂  
之裸唯人道宗廟有裸天地大神至尊木  
裸

**賈**喪謂王喪諸侯諸臣有致含禭禭幣玉之事荒謂  
凶年諸侯亦有致幣玉之事**宗廟之裸求神**  
於陰賓客之裸則若今禮賓客祭酒也裸將裸而  
將瓚也喪荒有幣玉則賻贈委之物

**鶴山先生云**宗廟祭祀自坐尸迎牲以後無非  
是義理此正所謂精義入神處故曰見君臣之  
義焉見父子之倫焉如祭天以特牲器用陶匏  
元酒明水不近人情者最尊若夫祭燔祭孰近

人情者禮之降故記曰禮之近人情者非其至也

**文云**賓客之禮諸侯來朝朝享既畢主禮之王雖不酌而有受酢之禮使宰夫爲主人示公卿大夫不敢抗禮於君而受酢則臣不可以代君飲故有受酢之事

**文云**喪荒之幣玉鄭賈謂賓客所賜委之禮不知何故不引宣王禱旱之詩云靡神不舉靡穀斯牲圭璧既交寧莫我聽乎

月終則以官府之叙受羣吏之要拜具象宰受正歲會歲終則令羣吏致事

鄭每月之小計

賈小計對下經歲會爲大計言冢宰則據百官總焉謂助冢宰受一歲之計歲終則令羣吏致事者謂使六官各致一年之功狀將來考之漢之朝集使謂之上計吏謂上一年會計文書及功狀也

正歲帥治官之屬而觀治象之法徇以木鐸曰不用法者國有常刑

鄭正歲謂夏之正月得四時之正以出教令者審也古者將有新令必奮木鐸以警衆木鐸木舌也文事奮木鐸武事奮金鐸

賈知正歲是夏之正月者見凌人云正歲十有二

月令斬冰若正歲是建子周正即今之十月冰未  
堅不得斬之言正歲得四時之正周殷則不得以  
此知諸言正歲者皆四時之正是建寅之月  
乃退以官刑憲禁率主宮令百官府曰各修乃職致  
乃灋待乃事以聽主命其有不共則國有大刑

**鄭憲謂表縣之若今新有法令云**

**賈**凡刑禁乃出秋官今云憲禁者與布憲義同故  
小宰得秋官刑禁文書表而縣之於宮內也此經  
於職末當置率大宰而今百官謹于此數事以結  
之也

顧山先生云憲疑訓顯字禮記舉憲憲今德則

古字通用

宰夫之職掌治朝之灋以正王及三公六卿大夫羣吏之位掌其禁令

鄭治朝在路門之外其位司士掌焉宰夫察其如儀賈程治朝在路門外者燕朝在路寢庭外朝在庫門外其事希簡非常治正之所此云治朝是常治事之朝

天子五門三朝

鄭司農云王有五門外曰臬門二曰雉門三曰庫門四曰應門五曰路門

臬門謂雉門二門也

樣道謂臬門之內外朝也朝士建其法小司寇掌

其政列三槐與九棘設嘉石與肺石而朝諸侯聽  
獄訟詢本事在焉雁門之內治朝也司士正其位  
宰夫掌其法太僕正王之位而王日視朝在焉路  
門之內燕朝也大僕正其位掌檟相而族人朝焉  
王藻白朝服以視朝退適路寢聽政然則王日朝  
於治朝而退聽政於燕朝矣雉門之外縣治象所  
以待萬民雁門之外設宗廟社稷所以嚴神位路  
門之外則九室九卿朝焉路寢之內亦九室九嬪  
居焉是皇庫雉雁路也後鄭雉門與先鄭異

皇門

詩曰皇門有扆左傳曰魯人之臬杜氏曰臬綏也



皇殿皇無皆以皇為緩則門之遠者謂之皇且矣  
毛氏以皇門為郭門非也

庫門

郊特牲曰王聽誓命曰庫門之內戒百官也曲禮  
曰在府言府在庫言庫天文東壁為文府西奎為  
武庫漢書具於府言財物之府於庫言武庫則庫門  
兵庫在焉

雉門

春秋書新作雉門及兩觀公羊傳云五版為堵五堵  
為雉蓋城雉之制在是也何休曰天子外闕兩觀  
諸侯內闕一觀然天子外闕於經無見

應門亦謂之正門

應門發政以應物也明堂位南門之外亦曰應門  
康王出在應門之內太保率西方諸侯入應門左  
畢公率東方諸侯入應門右

路門

路大也王之路車路馬路寢皆曰路則大寢之門  
謂之路門宜矣路門書謂之畢門師氏謂之虎門  
春秋之時齊晏子端委於虎門鄭子良伐虎門未  
世諸侯之門亦放其名耳

右鄭云謂檀弓曰魯莊公之喪既葬而經不入  
庫門言其除喪而反由外來是庫門在雉門外

必矣如是則王五門雉門爲中門雉門設兩觀  
周禮閭人掌中門之禁意者雉門無雉門謂之  
中門猶應門書謂之南門爾雅謂之正門路門  
書謂之畢門師氏謂之虎門蓋中於五門謂之  
中門前於路門謂之南門發政以應物謂之應  
門門畢於此而謂之畢門畫虎於此謂之虎門  
門之名豈一端哉大抵天子五門舉庫雉應路  
諸侯三門庫雉路耳諸家皆以天子庫門之外  
外朝也朝士掌之路門之外治朝也宰夫司士  
掌之路寢燕朝也太僕掌之諸侯亦有路寢有  
燕朝諸侯內朝司士掌之其官與天子同燕朝

君子掌之其官與天子異魯語曰天子及諸侯  
合民事於外朝合神事於內朝自卿以下合官  
職於外朝合家事於內朝又月令季春饑獸之  
藥毋出九門注天子九門者路門也應門也雉  
門也庫門也臬門也城門也近郊門也遠郊門  
也關門也魯有庫雉路則諸侯三門

又陳祥道曰闔人掌王宮之中門之禁喪服凶  
器不入宮潛服賊器不入宮司寇凡民之有獄  
訟入束矢鈞金于朝朝凡得獲貨賄民六畜者  
委于朝是禁施於雉門之內而不於雉門之外  
故庶民得以造外朝而奇服淫民得以入臬門

庫門若然縣法於中門宜矣又太僕建路鼓于大寢之門外是窮者達其情於外朝之肺石朝士又達窮者之情於內朝之路鼓與

**鶴山先生云**古者天子內五門臯庫雉應路

應門之外左右設宗廟社稷治朝居其中康

王受顧命於路寢訖諸侯出廟門侯廟門指

應門外也故康王出在應門之內注云出畢

門立應門內之中庭太保畢公率東西方諸

侯入應門左右則康王出御治朝而誥諸侯

是治朝得稱廟以廟社在左右故天子朝諸

侯在廟中亦謂之廟受在廟行饗禮然後路

朝行燕禮謂此乃祖宗之治朝非已之治朝也其二公六卿大夫羣吏之位則司士見焉

叙羣吏之治以待賓客之令諸臣之復萬民之逆

**鄭慎**次叙諸吏之職事三者之來則雁使辦理之

**鄭司農**云復請也逆迎受王命者復之言報也反也反報於王謂於朝庭奏事自下而上曰逆逆謂

上書

**賈鄭司農**云復請也逆迎受王命者復是報白之

義不得爲請故後鄭不從又王命旣出在下受而行云逆逆者向上之言不爲向下之義故後鄭亦不從據夏官諸侯臣萬民皆復逆並有則此亦有

上書奏事耳及至夏官太僕先鄭注云復謂奏事  
逆謂受下奏即與後鄭義同是先鄭兩解也

**鶴山先生**云東西相近謂之逆並行謂之順

掌百官府之徵令辨其八職一曰正掌官法以治要  
二曰師掌官成以治凡三曰司掌官法以治目四曰  
旅掌官常以治數五曰府掌官契以治藏六曰史掌  
官書以贊治七曰胥掌官叙以治叙八曰徒掌官令  
以徵令

**鄭**別異諸官之八職以備王之徵召所謂正辟於  
治官則冢宰也治要若歲計也師辟小宰宰夫也  
治凡若月計也司辟上士中士治目若今日計也

旅辟下士也治教每事名少也治藏藏文書及器  
物贊治若今契文書草也治叙次序官中如今侍  
曹伍伯傳史朝也趨令趨走給召呼闕合衆數  
而爲目合衆目而爲凡合衆已而爲要要則月計  
凡則旬計目則日計旬計則宰夫所謂旬約正日  
成也三三四之數府史之所掌也而旅治之目則  
旅之所掌也而司治之凡則司之所掌也而師治  
之要則師之所掌也而正治之此官府之八職也  
故治之至於要而止若夫會則正之所掌也而王  
治之矣故大宰受百官府之會而詔王廢置廢置  
在王則王治之矣凡治官府以法爲主成則以待



萬民之治常則聽官治而已故正掌官法師掌官  
成放掌官常司亦掌官法者正掌官法以正其屬  
司掌官法則貳之而已

**鶴山先生**云漢趨走者謂之伍伯着絳衣朝會  
處追班之類徒只是空手人如舍車而徒徒善  
徒法亦此義

掌治法以攷百官府羣都縣鄙之治乘其財用之出  
入凡失財用物辟名者以官刑諸冢宰而誅之其足  
用長財善物者賞之

**鄭羣**都諸采邑也六遂五百家爲鄙五鄙爲縣言  
縣鄙而六鄉州黨亦存焉乘猶計也財泉穀也用

貨賄也物畜獸也辟名詐爲書以空作見文書與  
實不相應也官刑在司寇五刑第四者則公謂宰  
夫所考及於百官府羣都縣鄙則大宰小宰所謂  
官府都鄙其爲百官府羣都縣鄙可知矣不言財  
用之出入而曰乘其財用之出入者以一二三四  
乘之則謂之乘總會其數則謂之會失其所藏之  
貨賄則謂之失財非所用而用焉則謂之失用所失  
之物非貨賄也則謂之失物辟名則其出入名不正  
而已足用者用無不足而已長財則所藏又有餘  
焉善物則所作所受又無不善夫物有不可謂之  
財而財亦物也言失財用物則失物非財以其既

言失財故也言善物則財亦物也以其未嘗言善財故也所誅非特治官之屬也故曰以官刑詔冢宰而誅之誅以詔冢宰則當可知矣

**禮記**先王公辟名詐爲文書以空物作見在文書鄭說見是也

凡禮事贊小宰比官府之具凡朝覲會同賓客以牢禮之法掌其牢禮委積膳獻飲食賓賜之殮牽與其陳數凡邦之弔事掌其戒令與其幣器財用凡所共者

**鄭**此校次之牢禮之法多少之差及其時也三牲牛羊豕具爲一牢委積謂牢米薪芻給賓客道用

也膳獻禽羞祫獻也飲食燕享也鄭曰禮記云殽夕  
食春秋傳云殽有陪鼎牽牲牢可牽而行者春秋  
傳曰餼羞竭矣謂殽客始至所致禮凡此禮陳  
數存可見者

**賈**牛一羊一豕一稱牢經以牢禮為饗食餼案交行  
人上公饗餼九牢饗禮九獻食禮九舉比等其俟  
伯降二等以七為節子男又降二等以五為節又  
掌客云上公殽五牢五積侯伯殽四牢五積子男  
殽三牢三積是其數也謂公牢禮之共膳則穀  
膳大牢之屬是也獻則亦有禽獻之屬是也不  
則殽五牢之屬是也飲則毒四十之屬是也食則

食四十之屬是也牽則牽四十之屬是也賓之殮牽則有司所共賜之殮牽則王所好賜陳數則以爵等爲之

**鶴山先生云**殮夕食以文解字後鄭以爲客始至所致禮其義方該

大喪小喪掌小官之戒令帥執事而治之三公六卿之喪與職喪帥官有司而治之凡諸大夫之喪使其旅師有司而治之

**鄭**大喪王后世子也小喪夫人以下小官士也其大官則家室掌其戒令治謂共辨

**買**三公六卿尊故宰夫與春官職喪帥其於喪家

有事官有司而治之大夫之喪卑宰夫不自爲使  
在已之下其旅三十有二人帥有事於喪家之有  
司治之

歲終則令羣吏正歲會月終則令正月要旬終則令  
正日成而以攷其治治不以時舉者以告而誅之

鄭歲終自周季冬正猶定也旬十日也治不時舉  
者謂違時期會

賈知歲終是周之季冬者以其正月之吉始和彼  
正月是周之正月始和布治于天下至今歲終考  
之是一歲之終故知非夏之歲終也

鄭注月令于季秋下云秦以

十月爲歲首於是歲終使諸侯及鄉遂之官定其國家宮室重旗衣服禮儀爲來歲受朔日爲度入唐孔穎達正義亦案史記案文公獲黑龍自爲水瑞命河爲德水以十月爲歲首則知之以十月爲歲終而以十一月爲歲首未嘗有之爲天正之說也

正歲則以瀆齋言最著吏令脩宮中之職事書其能者與其良者而以告皇上

**鄭**良善也鄭曰農云正歲之正月以法戒勸羣吏若今時舉孝廉方正秀才異等

**賈**正歲乃夏之正月是其歲始故以法警戒羣吏

四科異等此經據宮中子弟先鄭所云不要宮中  
之人

**鄭注**先鄭云避光武諱改秀為茂  
**鄭周禮**諸言正月者先後鄭謂為周之正月  
諸言正歲者先後鄭謂為夏之正月  
故書歲終之事常介乎正月正歲之間



... 卷之十 ...

明倫彙編

家範典 卷之十 家範典 卷之十 ...

目錄 卷之十 目錄 卷之十 ...

重校鶴山先生大全集卷之二百五 周禮折衷上下扁  
宮正上士二人中士四人下士八人府二人史四人  
胥四人徒四十人

宮伯中士二人下士四人府一人史二人胥二人徒  
二十人

**注**正長也宮正主宮中官之長伯亦長也**賈**上大  
宰至旅下士總御羣職故爲上首自此宮正以下  
至夏采六十官隨事緩急爲先後故自宮正至宮  
伯二官主宮室之事安身先須宮室故爲先也自  
膳夫至膳人皆供王膳羞飲食饌具之事人之處  
世在安與飽故食次宮室也自鑿師以下至獸鑿

主療疾之事有生則有疾故鬻次食饌也自酒正  
至宮人陳酒飲着羞之事鬻治既畢須酒食養身  
故次酒着也自掌舍至掌次安不忘危出行之事  
故又次之自太府至掌皮並是府藏計會之事既  
有其餘理須貯積或出或納宜計會之故相次也  
自內宰至履人陳后夫人已下內教婦功婦人衣  
服之事君子明以訪政夜以安息故言婦人於後  
也夏采一職記招蒐以其死事故於末言之也此  
宮正并下宮伯雖俱訓為長其義則異若宮正則  
主任王宮卿大夫士之身故為宮中官之長故其  
職云以時比宮中之官府故宮伯所掌者亦掌之

故言正長也宮伯云長者直主宮中卿大夫士之  
適子行其秩序授其舍次之事亦得爲長故云伯  
長也宮正上士二人爲官首中士四人爲之佐下  
士八人理衆事府二人主藏文書也史四人主作  
文書胥四人爲什長徒四十人給徭役諸官體例  
言府史胥徒之義皆然不可文文重釋他皆放此  
宮正掌王宮之戒令糾禁以時比宮中之官府次舍  
之衆寡爲之版以待夕擊柝而比之

**鄭**時四時比校次其人之在否官府之在宮中者  
若膳夫王府內宰內史之屬次諸吏直宿若今部  
署諸廬者舍其所居寺版**鄭司農**云爲官府次舍

之版圖待待比也夕莫也莫行夜以此直宿者爲  
其有解惰離部署又云析戒守者所擊也賈此時  
是尋常事故爲四時解之先鄭於八成注版名籍  
圖地圖後鄭謂版其人之名籍增成先鄭義也刑  
公戒戒其怠忽糾糾其緩散令使爲之禁勿爲也  
**鶴山先生**云時以四時解恐拘次舍則暫止之  
地今之客次吏舍亦此義左氏又立一例謂一  
宿爲宿再宿爲信三宿爲舍恐亦未然又因版  
爲名籍說鄉黨式負版者傳注以版爲民數故  
式之萊夢得燕語却以負版爲儀禮衰辟領負  
版之制言接凶服者式之皆指凶服亦是一說

式車前橫木有所敬則俯而憑之負版注謂辟  
領及褻闕中尺六寸負出於辟領外旁一寸則  
辟領之長與褻齊褻用三升布則負與辟領之  
布亦三升

國有故則令宿其比亦如之

**先鄭**故謂禍災令宿宿衛王宮後鄭故九非常也  
文王世子曰公有出疆之政庶子以公族之無事  
者守於公宮正室守大廟諸父守貴宮貴室諸子  
諸孫守下宮下室此謂諸侯也王之庶子職掌國  
子之倅國有大事則率國子而致於天子唯所用  
之者令宿之事蓋亦存焉賈後鄭引文王世子文

是諸侯法也諸庶一也於諸侯則爲庶子於天子則爲諸子彼鄭注倅謂副倅之倅云國有大事寇戎之事

**鶴先生云**大事不止祀與戎而鄭拘此一語凡大事盡以爲祀與戎恐未該

辨外內而時禁稽其功緒糾其德行幾其出入均其稍食去其滯怠與其奇袤之民會其什伍而教之道藝

**鄭司農云**分別外人內人禁其非時出入稽猶考也計也功吏職也緒其志業幾又云若今時宮中  
有罪禁止不得出入及無引籍不得入宮司馬殿

門也後鄭謂幾荷其衣服持操及疏數者稍食祿稟滛於濫怠解慢奇袤譎觚非常五人爲伍二伍爲什會之使輩作輩學鄭曰農云道謂先王所謂教道民者藝謂禮樂射御書數賈外人謂男子內人謂婦女稍食則稍稍與之祿稟其祿與之米稟奇袤譎觚非常者兵書有譎觚之人謂譎詐殊出觚角非常先鄭謂道若保氏掌養國子以道而教之六藝道則師氏三德三行也藝謂禮樂射御書數亦保氏職文也

**鶴出先生曰**稍食則稍稍與之者謂各以等差稍稍給之荆公謂平班其稍食非是祿稟稟從



未謂祿米祿廩從亡謂財米之所義各不同  
月終則會其稍食歲終則會其行事凡邦之大事令  
于王宮之官府次舍無去守而聽政令

**奠**行事吏職也使居其處待所為奠稍食宮中官  
府等月祿行事吏職當考知功過大事在祀與戎  
不得去部所守而聽待政令

春秋以木鐸脩火禁凡邦之事蹕宮中廟中則執燭  
**鄭**火星以春出以秋入因天時而以戒鄭讀  
火絕句云禁凡國之事蹕國有宮正為王執燭也  
王當出則宮正主禁絕行者若今時衛士填街蹕  
也宮正主為王於宮廟中執燭後鄭謂事祭事也

邦之祭社稷七祀於宮中祭先公先王於廟中隸僕掌蹕止行者宮正則執燭以爲明春秋傳曰有大事於大廟又曰有事於武宮

**鶴山先生曰**

小宗伯云左宗廟右社稷在宮中

中門之外則天子三朝皆可謂之廟亦可稱宮先後鄭謂蹕如漢之填街蹕猶今之警蹕也亦謂之清鞭論語執鞭之士即此鞭從革而蹕本從之因舉**三禮辨**謂六官之掌蹕者甚多不知康成何故專指隸僕所掌蹕官門廟門者閤人也爲內人蹕者內豎也率四夷之隸守王門蹕者師氏也若祭山林則脩除且蹕者山虞也祭

則守其屬禁而蹕者典祀也大喪及諸臣葬于墓而爲之蹕者家人也蹕宮中之事者隸僕也邦之大事使其屬蹕者大司寇也國之大事使其屬蹕者小司寇也諸侯爲賓則率其屬而蹕王官者上師也大軍賓喪祭則帥其屬夾道而蹕者鄉士也邦有大事聚衆庶則帥其屬而蹕者遂士也賓客居館則帥其屬而爲之蹕者訝士也蓋蹕所以禁止行者各隨其職而用之則官正蹕於宮中明矣

大喪則授廬舍辨其親疏貴賤之居

**鄭**廬倚廬也舍聖室也雜記曰大夫居廬士居聖

室賈倚廬者謂於路門之外東壁倚木爲廬室者舍對廬故爲室室室室者兩下爲之與廬異故多室室也親者貴者居倚廬者親謂大功已上貴謂大夫已上疏者賤者居室室者疏謂小功總麻賤謂士引雜記是諸侯之臣禮不辨親疏貴賤而別其遠近並爲天子之臣也

**禮記卷之六** 三年之喪自天子至于庶人無貴賤一也故謂之通喪豈可謂貴者服輕賤者服重鄭賈說未然

官伯掌主官之士庶子凡在版者

鄭司農云庶子宿衛之官版名籍也以版爲之今

時鄉戶籍謂之戶版後鄭謂王宮之士謂王宮中  
諸吏之適子也庶子其支庶也賈官宿掌王宮中  
卿大夫之適子庶子士之適子也凡在版者子弟  
皆有名籍公謂士則衛士也庶子國子之倖未  
爲士者也上言士下言庶子則包國子之未爲士  
者矣士庶子非王族則功臣之世賢者之類王以  
自近而衛焉故君臣國家休戚一體上下親而內  
外察也

**鶴山先生云**

周制宿衛王宮皆以公族公卿大

夫之子弟爲之故曰士至漢宿衛周廬爲郎以  
官廊得名故漢署郎有四以入其爲郎如張蒼

者號山郎疑若今之抵產非入錢也繼有納粟  
為郎有父次為郎如馮唐後因武帝推恩諸侯  
王子弟乃有父任為郎凡四色亦皆士大夫不  
如後世以三衙為宿衛

**又云**漢初蕭何初未央宮按三輔黃圖宮中有  
三十六殿高祖又拓長樂宮至武帝於南山一  
邊添拓甘泉長揚五林共為五宮統在北關東  
關內皆宮也

**又云**漢制自公孫弘以前如貢禹張禹雖為公  
卿而其子無官桑洪羊為御史大夫亦以其子  
無官怨望惟公孫弘以宰相封侯後乃有子嗣

爲侯

掌其政令行其秩叙作其徒役之事授八次八舍之職事

**圖**秩祿稟也叙才等也作徒役之事天子所用衛王宮者必居四角四中於徽侯便也鄭言禮庶子衛王宮在內爲次在外爲舍後鄭謂次其宿衛所在舍臣沐浴之處實謂庶子衛王宮先鄭意內外次舍有所隔絕而禮說謂稱士者公卿大夫元士之適子於大胥職所謂學士也稱庶子者公卿大夫之庶子於諸子職所謂倅也在掌客職則謂之庶子而禮賦諸侯之大夫其體亦不輕矣古

者公卿大夫之子弟元士之適子未世其爵者則又使之偕衆子以衛王宮焉重之至也秦周廬設卒不以士庶子爲之非聖人之法此所以有望夷之禍

告邦有大事作宮衆則令之月終則均秩歲終則均叙以時頒其衣裘掌其誅賞

**鄭**謂王宮之士庶子於邦有大事或撰當行實事亦謂寇戎之事作起也謂起宮中之衆使士庶子行則宮伯戒令之月終則均其祿稟與宮正均稍食亦一歲終則均叙與宮正異彼宮中官府故會其行事此其子弟故均其叙以時班衣裘夏時頒



衣夕時班表有功即賞有罪則誅也

膳夫掌王之食飲食羞以養王及后世子

**鄭**食飯也飲酒漿也膳牲肉也羞有滋味者凡養之具大略有四**賈**膳夫掌王之食飲者此一經以其職首故略舉其目下別叙之以養王及后世子者舉爵而三其實養者及三夫人已下亦養之

凡王之饋食用六穀膳用六牲飲用六清羞用百有二十品珍用八物將常用百有二十甗

**鄭**進物於尊者曰饋此饋之盛者王舉之饌也六牲馬牛羊豕大雞也羞出於牲及禽獸以備滋味謂之庶羞公食禮內則下大夫十六上大夫二十

其物數備焉天子諸侯有其數而物未得盡聞珍  
謂淳熬淳母炮豚炮牂犄珍漬熬肝膋也醬謂醢  
醢也王舉則醢人共醢六十甕以五齏七醢七菹  
三醢尼實之醢人共齏菹醢物六十甕鄭曰醬云  
羞進也六穀稌黍稷粱麥苽雕胡也六清水漿醴  
醢醬醢賈進物於尊者曰饋鄭注玉府云通行曰  
饋羞出於牲及禽獸者釋經羞用百有二十品此  
庶羞皆及於牲及禽獸案公食大夫下大夫十六  
豆中從腳腫臄已下皆出於牲不見有出禽獸者  
上大夫加以雉兔鶉鴛此則出禽獸也以其有牲  
及禽獸故云備滋味之庶羞也內則云雉兔鶉鴛

四豆添前十六則是二十是上大夫禮天子諸侯  
有其數此經云百有二十是天子有其數掌客云  
上公食四十侯伯三十二子男二十四是諸侯有  
其數也天子諸侯之數皆從上大夫二十豆上加  
之內則云牛脩及爵鷄蠓范芝栒已下三十一物  
鄭注云人君燕食所加庶羞也天子羞百有二十  
品記者不能文錄八珍謂淳熬已下皆內則文淳  
熬煎醢加于陸稻上沃之以膏曰淳熬淳母煎醢  
加于黍食上沃之以膏曰淳母母模也炮取豚若  
拌封之剗之實棗於其腹中編萑以苴之塗之以  
瑾塗炮之塗皆乾擘之濯手以摩之去其皸為稻

米播漫之以爲醢以付豚前諸膏其必滅之鉅鑊  
湯以小鼎煎脯於其中使其湯毋滅鼎三日三夜  
毋絕火而後調之以醢醢搗珍取牛羊麋麀麇  
肉必腴每物與牛若一捶之反側之去其餌孰出  
之去其馑徧在布牛肉馬骨桂與薑以酒諸上而  
鹽之乾而食之施羊亦如之肝脊取狗肝一幪之  
以其膏濡炙之舉焦其膏不羶也是爲八珍彼有  
糝與飭彼是羞且之實非珍故不取云醬謂醢醢  
也者醬是總名知醬中兼有醢醢者經云百有二  
十糝醢人共醢六十糝醢人共醢六十糝醢人共  
云六穀知有稌黍稷粱麥者據食醬而不知其醢

胡者南方見有菘米

醪良醫醫

**饋**先王饋上下通用後鄭於此言進於尊者曰饋玉府注又云通行曰饋自無定論如此者不一六牲本用馬牲狗牲今宗廟中不用此二者熙寧間有人建議用馬牲竟不行此一節言天子備物之享第詩書皆無及此禮者周禮一部可疑此亦其一**王制**公專本此意以人主當享備物極至重貫于黼專物應奉司以啓人主修心禍至不可勝言學術詔國原於康成先儒未有發此義者

王日一舉鼎鼎有二物皆有俎以樂侑食膳夫受祭

品嘗旨食王乃食卒食以樂徹于造

**鄭**殺牲盛饌曰舉王日一舉以朝食也后與王同庖

鼎十有二牢鼎九陪鼎二物謂牢鼎之實亦九俎

**賈**一日食有三時同食一舉鼎十有二案聘禮數

饗籛注飪一牢鼎十有二是也牢鼎九在西階前

云牛羊豕魚腊腸胃司鼎膚鮮魚鮮腊云陪鼎三

者當由廉臍腫饒並陪牛羊豕鼎後是也云亦九

俎者陪鼎三臍腫饒者謂庶羞在於豆唯牢鼎之

物各在俎故云亦九俎案趙商問王日一舉鼎十

有二是為三牲備焉商案玉藻天子日食少牢朔

月太牢鄭答云禮記後人所集王制之法與禮遠

者多當以經爲正此周禮周公大平法王藻據襄  
世或異代故與此不同素大司樂云王大食皆令  
奏鐘鼓大食是朔食且舉之樂不言之藝祭肝周  
祭肺但祭肺有二種一者名爲舉肺亦名離肺此  
爲食而有也二者名爲祭肺亦名刺肺此爲祭而  
有也王將食必祭先膳夫授之備火齊不得膳天  
品且嘗之王乃食天子徹食作樂樂音美聞惟祭  
祀雍以徹造後鄭云作也先鄭云徹置故麋也謂  
造食之廡卽厨也

**鶴**先生云禮飲食必祭示有所先凡祭皆祭  
先造食者今士大夫此禮已廢惟公燕聞酒先酌

於地近之釋老氏飲食尚生祭禮也陪鼎  
三腳音香生腫也應許二切羊腫也曉許堯切  
豕腫也牢鼎九所謂俎實也陪鼎三所謂豆實  
也皆所謂羞也**則**公品嘗食養至尊當慎故也  
其所防也微矣

王齊日三舉大喪則不舉大荒則不舉大札則不舉  
天地有裁則不舉邦有大故則不舉

**鄭**言農齊必變食**禮**齊必變食謂加牲体至三大  
牢大荒凶年大札疫癘天裁日月晦食地裁萌動  
大故冠戎之事司農云大故刑殺也春秋傳曰司  
寇行戮君爲之不舉此經數事不舉司農意謂不



舉樂但比膳夫不舉在食料之中不舉即是不殺  
牲二義俱備與公祭祀之齊不御於內不聽樂未  
飲酒不膳葷不以哀樂欲惡貳其心又去物之可  
以昏憤其志意者而致養其氣體焉然後可以交  
神明矣大荒大喪大札天地有戕邦有大故不舉  
者王以能順承天地和理神人使無戕害變故宜  
變備味聽備樂今不能然則宜貶損而不舉

**鶴山先生**云葷本只是薑桂韭筍之類今却以  
爲葷腥猶國有故則天子素服減膳今却又有  
素食之說與公所謂宜變備味聽備樂亦非三  
代王者之言此所以開祭京主齋葷享上之說

王燕食則奉膳養祭九王祭社賓客食則徹王之胙俎  
**賈**案玉藻天子與諸侯相夕為三時食故鄭謂燕  
食者日中與夕相接為三時奉朝之餘膳則一牢  
分為三時所養祭者牢肉天子諸侯朝皆祭肺日  
中與夕皆祭牢肉案玉藻諸侯夕深衣祭牢肉王  
與賓客禮食於廟賓在戶牖之間王在阼階上各  
有饌皆設俎故亦有胙俎

凡王之稍事設薦脯醢

**鄭**曰農云稍事謂非日中大舉時而閒食謂之稍  
事膳夫主設薦脯醢云謂稍事有小事而飲酒賈  
脯醢是飲酒肴羞非是食饌若大夫以下燕食有

脯無膾

王燕飲食則爲獻主掌后及世子之膳羞

**鄧官農**主人當獻賓則膳夫代王爲主君不敵臣也燕義曰使宰夫爲獻主臣莫敢與君亢禮**實主**日一舉注鄭以后與王同危不言世子則世子與王別牲亦膳夫所掌

凡肉脩之頒賜守掌之凡祭祀之致福者受而膳之以執事見者亦如之

**實言農**云脩脯也後鄭謂致福爲諸臣祭祀進其餘肉歸胙于王又云膳夫受之以給王膳以羔鴈雉寫執事者亦受以給王膳**實**如薑桂銀沽者謂

之脩不加薑桂以鹽乾之者謂之脯諸臣自祭家  
廟致祥于王而云致福者凡祭祀主人受福若與  
王受福然知諸臣有致非法者安氏昭六年子產  
云祭有受脰歸脰彼注云受脰謂君祭以肉賜大  
夫歸脰謂大夫祭歸肉於公也

**鶴山先生**云文王廟在豐武王廟在鎬文武  
昨賜齊道理甚遠不知如何致

歲終則會惟王及后世子之膳不會

**鄭**不會計多少優尊者其頒賜諸臣則計之荆公  
至尊才可以有司法數制之世子則唯膳正禮可  
以不會膳禽則熟食之膳也與其飲食及服皆會

則所以防荒侈故也

庖人掌共六畜六獸六禽辨其名物

**鄭**始養之曰畜將用之曰牲春秋傳曰卜曰牲  
**鄭**司農云六獸麋鹿能廣野豕兔六禽鳩鴉雉  
鳩鴉云謂獸人冬獻狼夏獻麋又內則無能則六  
獸當有狼而熊不屬六禽於禽獸及天執宜爲羔  
豚膾臠雉鳩凡鳥獸未孕曰禽司馬職曰大獸公  
之小禽私之實六畜者馬牛羊豕犬雞謂夏官校  
人地官牛人春官雞人秋官大人冬官豕人總送  
六畜與比庖人始養之曰畜將用之曰牲禽中有  
羔雄狐絜絜牝雞無晨禽獸通稱

**鶴山先生**云古注取包肉之義謂之庖庖字從  
六恐非包肉義爰化始於宓犧氏歃初茹毛飲  
血宓犧始取物墜塗而炮之所以謂之庖犧氏  
犧亦取牛旁

凡其死生蠶毫之物以共主之膳與其薦羞之物及  
后世子之膳羞其祭祀之好羞

**鄭**凡計數之羞亦進也備品物曰薦致滋味乃爲  
羞王言薦者味以不麩爲尊**鄭**曰農以鮮謂生肉  
菹謂乾肉好羞謂四時所爲膳食若荆州之鱖魚  
青州之蟹胥者雖非常物進之孝也**賈**謂四時之  
間非常大食禮器云大饗其王事與三牲魚腊四

海九州之美味苟可薦者莫不咸在。國共祭祀  
之好羞者先王先公及先后夫人平生所好祭祀  
則特羞之事士如事存之意夫齊則思其所嗜則  
其祭也可以不羞其所好哉

共喪紀之庶羞賓客之禽獻

**鄭**喪事之祭謂虞祔也禽獸獻禽於賓客獻亨

為獸**社**子春當為獻賈凡喪未葬已前無問朝

夕奠及大奠皆無薦羞之法今言共喪紀庶羞者  
謂虞祔之祭乃有之天子九虞後作卒哭祭虞卒  
哭在寢明日祔於祖廟舉前後虞祔則卒哭在其  
中賓客之禽由主人獻之

鷓山先生云死而未葬無几筵無薦羞以其體  
鬼在此生者可以用几筵字或賜之筵或授之  
几是也始死只說奠有朝夕奠朔月月半則謂  
之敷奠奠亦無薦羞羞知是祭當在虞祔之後  
不當言於始死之時今人用庶羞之奠與几筵  
字盡錯且如孔子廟只使得奠字使不得祭字  
今謂之丁祭亦非釋奠字只見於禮記不見於  
他經二漢以前亦無釋奠字然却未至大誤非  
報功使祭字不得

凡令禽獸以禮授之其出入亦如之

鄭今令獸人也禽獸不可以禮賓客至將獻之禮



人乃令獸人取之必書其所當獻之數與之及其  
來致禽亦以此書校數之至于獻賓客又以此書  
付使者展而行之掌客乘禽於諸侯各如其命之  
數聘禮乘禽於客日如其獲禽之數士中日則二  
雙雙掌客乘禽於諸侯各如其命之數上公九命  
日九十雙獲禽餘五率日五雙士中日則二雙者謂  
作介時士爵一日則一雙禽獻不以命數中間也  
故言間日則二雙

**鶴**先生云古人春不毀胎卵又數聖人不入汚  
池取禽獸有時節其法禁甚嚴然國客之至不  
可以時拘宿客禽獻之事至九十雙七十雙之

類不知如何區處此不可曉

凡用禽獸春行羔豚膳膏香夏行脰鱠膳膏臊秋行  
犢麋膳膏腥冬行鱘羽膳膏膻

**鄭**用禽獸謂煎和之以獻王**司農**云膏香牛脂也

以牛脂和之脰乾雉鱠乾魚膏臊豕膏也**杜**子春

云膏臊豕膏膏腥豕膏鮮魚也羽鴈也膏膻羊脂

也**文**謂膏腥雞膏也羔豚物生而肥臄與藥物成

而充脰鱠燠熟而乾魚鴈水涸而性定此八物者

得四時之氣尤盛為人食之弗勝是以用休廢之

脂膏煎和膳之牛屬司徒土也雞屬宗伯木也犬

屬司寇金也羊屬司馬火也**賈**此經四時所膳者

皆取所賊死之脂膏火賊金即膏燥天膏也不得  
云北方之膏杜子春膏燥天膏者是也膏腥豕膏  
也者非也以其秋行犢麝秋時金玉金剋木雞屬  
東方木則膏腥雞膏也不得為豕膏用休廢之脂  
膏者五行玉相剋春木王火相土死金囚水為  
休廢夏火王土相金死水囚木為休廢也下推之  
可知王所勝者死相所勝者囚新謝者為休廢言  
然向來之所膳膏者皆是死之脂膏鄭以休廢言  
之也**○**膳用牛膏牛土畜也春木用事則助養  
脾也膳用大膏大金畜也夏火用事則助養肺也  
膳用雞膏雞木畜也秋金用事宜助養肝也膳用

羊膏羊火畜也冬水用事宜助養心也

**鶴山先生**云鄭說非荆公說是呂成公云自傳  
註盛行人都不看經亦為時王所尚列於學官  
科舉以取士漢唐以至國初惟古注是從如當  
仁不讓於師寧取落韻不取違古注至程張歐  
蘇方破口斥傳注之泥前此周易有多少解說  
列於學官者止用王弼唐人以論語應舉謂之  
習何論王子雍排鄭康成劉黻排杜元凱其說  
甚當亦何曾行孔穎達又每科與之辨又有學  
究一科全是念傳注謂之貼經

歲終則會唯王及后之膳會不

國膳禽四時所膳禽獻加世子可以會之賈上膳  
夫職所掌者是其正此禽獻者是其加世子可以  
會故歲然則惟王及后之膳不會世子則會之矣  
鶴山先生云加邊薦豆則禽獻為加可知加則  
惟王及后不會世子則會以防太侈

內饗掌王及后世子膳羞之割亨煎和之事辨體各  
肉物辨百品味之物

鄭割肆解肉也亨煮也煎和齊此五味體各脊脊

肩臂膳之屬肉物載燔釋文之屬百品味庶羞之

屬三骨舉成數賈體名案少牢解羊豕前體肩臂

臠後體膊胙又有正脊胘脊橫脊又有短脊正脊

代暫是其體二十一體肉物案公食大夫禮十六  
豆有載載謂切肉少牢主婦獻尸以膳從傳火曰  
燔百品庶羞之屬

**鶴山志** 肆託歷及取剔義然只從本字亦

有肆陳於鼎俎之意耳字本作會

音香音亨音  
烹只同一字

並同楚茨犖兩牛羊以往丞豈或割或亨作香  
字叶

韻 或肆或將祝祭于祊音

選百羞醬物珍物以俟饋共右及世子之膳羞

**鄭**先進食之時恒選擇其中御者百羞者則庶羞

百一十醬物者即醬用百一十饗珍物者諸人珍

之類俟待也內饗恒預選知當王意所欲者以待

饋王后世子直言共不言饋者膳夫饋至不饋后  
世子此內饗言共是親饋故鄭云膳夫掌之是乃  
共之

辨腥臊羶香之不可食者牛夜鳴則厲羊冷毛而羸  
羶夫赤股而躁臊鳥曠色而沙鳴狸豕盲眦而交睫  
腥馬黑脊而般臂螻

鄼腥臊羶香可食者是別其不可食者則所謂者  
皆臭味也冷毛毛長總結也曠失色不潔美也沙  
澌也交睫腥腥當為星聲之誤也肉有如米者似  
星般臂臂毛有文鄼句農云腐朽木臭也螻螻姑  
臭也杜子春云盲視當為望視賈此經腥有二字

鄭不破腥臊之腥宜破交腴腥之腥鄭答冷剛重  
牛之牯牛在手曰牯牛無手以前足當之此馬亦  
然故言般臂朽木蟻姑皆臭物此皆不利人故禁  
之

**鶴山先生曰**古人格物之精如此般臂傳注以  
爲般般然此般字賈誼弔屈賦用顏師云般從  
丹不從舟交腴腥鄭以爲肉有米似星鄉在靖  
州人或告以屠所市豕肉不可食者問其故則  
云夜於星下飼豕則肉上盡有星如米狀此不  
可食索而觀之信然乃知康成之言有所據

凡宗廟之祭祀掌割亨之事凡燕飲食亦如之凡掌



共羞脩刑臠胙骨鱠以待共膳

**鄭**共當爲具羞庶羞也脩鍛脯也胙如脯而腥者

**鄭**曰農云刑臠謂炙脊肉或曰膾肉也骨鱠謂骨

有肉者云謂刑鉶羹也臠腠肉大臠所以祭者骨

牲體也鱠乾魚鱠肉饗不掌外神故云宗廟之祭

祀言尾者謂四時及禘禘并月祭等皆在其中掌

其賓享之事上王后言煎和此不言煎和者鬼神

尚質不貴滋味薑桂鍛治之謂之脩不鍛治者謂

之脯乾則爲脯不乾而腥則謂之胙刑臠爲二物

有明文先鄭以刑臠爲炙脊肉故後鄭不從或曰

膾肉但所出亦不從骨鱠謂骨有肉者云謂刑鉶

羹也。膾臠，肉大臠，所以祭者，骨牲體繡，乾魚先鄭合爲一。後鄭不從，持牲有鉶羹，謂鉶器盛，不曉設於薦，南臠魚肉總有也。臠又詁爲大。

凡王之好賜，肉脩則饗，人共之。

**鄭**好賜，王所善而賜也。**賈**言好賜者，謂羣臣所愛好，則賜之肉，羞饗人共之。

外饗，掌外祭祀之割亨，共其脯脩刑臠，陳其鼎俎，實之牲體魚腊。凡賓客之殮饗，鄉食食之事，亦如之。

**鄭**賓客始至之禮，饗既將，幣之禮，致禮於客，莫盛於饗。賈，致禮於賓客，莫盛於饗者，以其饗之中有餼，有腥，有牽，又有酒，有米，兼燕與食，其中芻，新米。

未又多故朝聘之日致之是以鄭云急歸大禮故云莫盛於饗也

邦饗者老孤子則掌其割亨之事饗士庶子亦如之  
鄆孤子者死王事者之子也士庶子衛王宮者若  
今時之饗衛士矣王制曰周人養國老於東膠養  
庶老於虞庠邦饗者老者謂死事者之父祖兼  
有國老庶老謂卿大夫致仕者庶老謂士之致仕  
者經直言君君對孤子則者老者死事者之父祖  
可知左氏哀二十三年晉知伯魏禽顏庚至二十  
七年齊師將興陳成子屬孤子三日胡設乘車兩  
馬繫五邑焉以屬庚之子而賜之是禮孤子之法

師役則掌共其獻賜脯肉之事凡小喪紀陳其鼎俎而實之

**鬯**獻謂酌其長帥喪事之酒祭賈獻謂獻酒非獻肉故鄭謂酌其長帥長師軍將已下至五長有功者饗獻之小喪紀謂夫人已下之喪陳其鼎俎謂殺奠及虞附之祭皆有鼎俎**外**外饗長言饗老皇孤子而以士庶子如之酒正言饗士庶子而後言饗老皇孤子外饗掌饗饗以養之為主酒正掌酒酒以禮之為主

享人掌共鼎鑊以給水火之齊職外內饗之饗享煮辨膳羞之物祭祀共大羹鉶羹賓客亦如之

甗鑊所以煮肉及魚腊之器既熟乃取于鼎齊多  
少之量職主也爨今之竈主於其竈與物實案少  
牢禮爨在廟門外之東大夫五鼎羊豕豕腸胃魚腊  
各異鑊鑊別有一鼎鑊中肉孰各升一鼎故鄭云  
既孰乃胥于鼎周禮儀禮皆言爨論語王孫賈寧  
媚於竈禮記祭法天子七祀之中亦言竈若然自  
孔子已後皆言竈故鄭云爨今之竈

**鶴山先生云**七祀非古禮竈也者老婦之祭也

孔子已後改爨為竈不知何故大羹肉滷先儒  
以大羹不致五味也鉶羹加鹽菜矣肉滷盛於  
登肉汁一名滷汁字當從肉從泣作滷只有張

參能辨若只從水旁字書中無蓋音字以注爲  
聲以肉爲形若是汗却無聲

**又云**王者典禮

齊威公出來一壞晉文公出來一壞道路之政  
不脩賓客之政不舉然而子產託晉文之時車  
馬有數以至客至如歸一段猶見晉文之時尚  
餘些典禮只如泰山之下明堂之祭則齊宣時  
猶在

**又云**

鄭康成五經皆有傳注又注五經

緯公乾坤鑿鑿度之類猶在皆以三字爲名如參  
同契元命包亦是康成自五六十時注到八十  
歲今左氏正義內間引鄭注

甸帥掌帥其屬而耕耨王藉以時入之以共齋盛益祭

祀共蕭茅

**圃** 藉芒字也王以孟春躬耕帝籍天子三推三公  
五推卿諸侯九推庶人終於千畝庶人謂徒三百  
人藉之言借也王一耕之而使庶人坐季終之盛  
盛祭祀所用穀也齋稷也穀者稷爲長是以名云  
在器曰盈禮大夫云蕭字或爲茜茜讀爲緇束茅  
立之祭前沃酒其上酒參下去若神歛之故謂之  
縮縮沒也齊桓公責楚不貢包茅無以縮酒杜子  
**春** 讀爲蕭蕭百蒿也詩取蕭祭脂郊特牲蕭  
合黍稷夏陽達於牆屋故既薦然後燔蕭人鬯香  
人鬯香者是蕭之謂也茅以共祭之苴亦以縮酒

苴以藉祭縮酒沛酒也醴齊縮酌賈言帝藉者藉  
田之穀衆神皆用獨言帝藉者賈言之周語王  
耕一發班二之天子藉田千畝在南郊自天子三  
推已下示相恭敬鬼神之法又示帥先天下稷爲  
五穀長爾雅以稷爲衆通而言之六穀皆是衆小  
宗伯辨六衆之名物取蕭祭脂見用蕭之時有脂  
謂饋獻之後陰厭之節取蕭與脂及黍稷炳燒之  
取香采上闡茅以共祭苴則士虞禮束茅長五寸  
立於几東是也

**鶴山先生**云古無灌茅之義所謂縮酒只是醴  
有糟故縮於茅以清之若曰滲下去如神飲此



是鄭大夫臆說又云亦與河濟之濟通又云鄉  
在靖州見有善茅甚多有劉子澄等有作貢茅事  
記謂齊展公葵丘之會據司馬遷書是合諸侯  
以封禪所以責楚不貢茅最後謂他日上封泰  
山於此亭取茅因爲言孔孟取葵丘之會自有  
明文如何不取乃舉司馬遷封禪之說封禪二  
字竟莫曉如茅當以禹貢爲說劉不聽云

其野果蔬之薦喪事代王受會貢哉

鄭旬在遠郊之外郊外曰野果桃李之屬瓠瓜供  
之屬菜盛者祭祀之主也今國遭大喪若云此黍  
稷不馨使鬼神不逞于王既殯天祝作禱辭授甸

人使以禱藉田之神受青鳧俎後殃實斷殞天祝  
作禱辭授甸人者知大祝作禱辭在既殞後見大  
祝職也

**鶴山先生云**代王受青災乃是災禍之來欲代  
王受之今人不自殞滅之義因說古人遇災禍  
只是罪已如重漢一詩胡寧瘖我以旱惜不知  
其故至於大命近止無棄爾成何求爲我以戾  
庶正瞻昂昊天曷惠其寧初無後世祈禱早降  
甘澤之語所以杜元凱釋例上只說古人有祭  
祀無所禱襮禮則有之自異端之教興然後有

祈禱

王之同姓有異子則死刑焉

**鄭曰**豐云王同姓有罪當刑者斷其獄於甸師之  
官者也**賈**甸師在疆場多有屋舍以爲隱蔽故就  
而刑焉案掌囚云凡有爵者與王之同族奉而適  
甸師氏以待刑殺**司農**又云文王世子公族有死  
罪則繫於甸人又曰公族無官刑獄成致刑于甸  
人又曰公族無官刑不踐其類踐音剪刑于隱者不  
與國人慮兄弟**賈**羅服之外同姓姪者有罪者謂  
凡五刑則刑殺不於市朝於此死刑焉必在甸師  
氏**鄭注**繫於甸人懸縊殺之曰釐刑**公**甸師共祭  
薦之物所以事宗廟宗廟之親而致死刑焉則正

法然後能保天下國家能保天下國家然後宗廟  
可得而事也然則親而致死刑乃所以事宗廟也

**鶴山先生云**

王之同姓有罪則死刑馬賈氏謂

絕服之外同姬姓者蓋五服之內則在議親之  
群也季微之謂此說足以補漢儒之所未及是  
爾至荆公親而致死刑乃所以事宗廟夫刑於  
甸師隱之也豈有殺其子孫以事祖禰乎必不  
然矣是荆公心術之誤也

帥其徒以薪蒸役外內饗之事

**鄭**役謂給役也木大曰薪小曰蒸賈此纂要文又

左傳云其父析薪即大木可折曰薪自然小者曰

蒸也

獸人掌罟田獸辨其名物又獻狼夏獻麋春秋  
獻獸物

罟害網也以網搏所當田之獸狼膏聚麋膏散聚  
則溫散則涼以救時之苦也獸物凡獸比身獻也  
及狐狸賈冬獻狼者狼山獸山是聚故狼身最聚  
則溫故冬獻之云夏獻麋者麋是澤獸澤主銷散  
故麋膏散散則涼故夏獻之春秋寒溫滴故獸物  
皆獻之

**鶴山先生云**天地間莫非氣凡散皆陽凡聚皆  
陰然冬間陽氣在內亦有聚時夏間陰氣在內

亦有散時又須分冬夏方說得又云陽氣上鹿

角解陰氣上麋角解

時田則守畝及弊田令禽注于虞中

**鄭**弊小也仆而田止**鄭**司農云弊田謂春火墾夏

車弊秋羅弊冬徒弊虞中謂虞人墾所田之野及

弊田植虞旗於其中致禽而珥焉獸人主令田衆

得禽者尊虞人所立虞旗之中當以給四時社廟

之祭故曰春獻禽以祭社夏獻禽以饗禴秋獻禽

以祀枋冬獻禽以享蒸又曰大獸公之小禽私之

公之謂輸之虞中珥焉者取左耳以致功若斬首

折馘故春秋傳曰以數軍實賈襄二十四年齊侯

祭社蒐軍實蒐鬼數重實注謂兵甲器械隱公傳三  
年而治兵數軍實引之以證斬首折馘為軍實及  
生執俘囚如先軫曰墮軍實皆是軍實僖三十三年

**雋**出於生云曰東萊曾說人之生也各有血氣

因設為田獵以發泄之亦以寓軍法

凡祭祀喪紀賓客共其死獸生獸凡獸入于腊人皮  
毛筋甫入于王府凡田獸者掌其政令

**獸**共其完者皮毛筋角給作器物**賈**獸入於腊人

是不完者生獸死獸是完者擇取堪作器物者送  
入於王府**林氏**謂此四者可共玩好之器**謂**公謂  
王之設官能去民物之害於是可以兼百姓之奉

備萬物之養以足其熙私玩好之欲也

**鷓山宗告**荆公專以周禮為辭謂人主可以兼百姓之奉備萬物之養以足其熙私玩好之欲此所以誤天下而開後來豐亨豫大與享上之侈卒啟裔夷之禍可不戒哉

斂人掌以時斂為梁春斂王鮪辨魚物為鱸鼈以共王膳羞

**鄭月令**季夏命魚師為梁鄭曰梁梁水偃也偃水為關空孔以笱承其空詩曰帶笱在梁主鮪鮪之大者以月令季春薦鮪于寢廟為生薑乾也**賈偃水**為關空以笱承其空者謂偃水兩畔中央



通水爲關孔苟者善薄以薄承其關孔魚過者以  
薄承取之故詩云敝苟在梁 取魚之法有五孟  
春獺祭魚一也季春鳧鮒二也鶩人秋獻龜魚三  
也王制獺祭魚然後真人入澤梁孝經援神契云  
陰用事木葉落獺祭魚尚時是十月取魚四也獺  
則春冬二時祭魚潛之詩季冬薦魚月令季冬漁  
人始魚同五也是一歲三時五取魚唯夏不取宣  
公夏濫於泗精以其非特里革諫之  
凡祭祀賓客喪紀并其魚之蠶蕘凡獻者掌其政令  
凡獻征入于王府

**鄭司農曰**漁征漁者之租稅漁人主牧之入于王

府賈政令以知取之時節及處所凡漁征入于王  
府水族之類其中須骨之事堪飾器物者征稅入  
于王府以當邦賦也

鼈人掌取互物以時簪魚鼈龜鱉凡狸物

**鄭司農云**互物謂有甲病胡龜鼈之屬鱉大蛤摺  
謂以杓刺泥中搏取之狸物龜鼈之屬自狸藏伏  
於泥中者以謂狸物亦謂鱗刀含漿水之屬摺謂  
以杓刺泥中搏取之簪救角反莊子云冬則搗鱉  
於江搗義角反蜃螭類狸莫皆反杓音义

**鶴山先生云**魚隨陰陽而上下冬在水底春在  
水之半夏在水上冬腹腴在下夏至腹腴在鰓

夏時下水以後上水

春獻鼈夏秋獻龜魚祭祀共麇羸蜃以授醢人掌凡  
邦之籍事

鄭此其出在淺處可得之時魚亦謂自墾藏羸蜃  
蠃蠃司農云羸蛤也杜子春云羸蚌也蜃蜃子國  
語曰蟲舍蜃蜃案醢人有羸醢羸蜃醢蜃蠃蠃  
一物兩名司農與子春義同蜃蜃子者謂蠃子之  
子取白者以爲醢蟲舍蜃蜃國語陳宣公言

腊人掌乾肉凡田獸之脯腊臠胖之事凡祭祀共豆  
脯薦脯臠胖凡腊物賓客喪紀共其脯腊凡乾肉之  
事

鄭大物解肆乾之謂之乾肉若今涼州烏翅矣薄  
折曰脯捶而施薑桂曰鍛脩腊小物全乾脯非豆  
實豆當爲羞聲之誤也賈趙商問腊人掌凡乾肉  
而有臘胖何鄭答雖鮮亦屬腊人知脯非豆實者  
案邊人職有栗脯則脯是邊實知豆當爲羞者案  
邊人職凡祭祀共其邊薦羞之實鄭云未飲未食  
曰薦已飲已食曰羞羞薦相對下既言薦脯明上  
當言羞脯也鄭自農合臘膾肉鄭大夫胖讀爲判  
杜子春讀胖爲版又云臘胖皆謂夾脊肉又云禮  
家以胖爲羊體者文無所出皆非也祭祀之禮肫  
解而腥之又有體解而爛之又有薦孰之禮三者

皆當先制為胖此證胖與臠不同賓客喪紀所共者共內外之饗食也

**鶴**先王禮器晏平仲豚肩不掩豆肩當在俎不在豆謂平仲儉不中禮對文假豆而言以形言豚肩之小也